



Na osnovu člana 66., stav (2) Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05) i člana 25., stav (6) Zakona o osnovnom odgoju i obrazovanju („Službene novine Kantona Sarajevo“, broj:10/04, 21/06, 26/08, 31/11 i 15/13) ministar za obrazovanje, nauku i mlade Kantona Sarajevo donosi:

PRAVILNIK O IZMJENAMA I DOPUNAMA PRAVILNIKA O POLAGANJU EKSTERNE MATURE

Član 1.

U Pravilniku o polaganju eksterne mature („Službene novine Kantona Sarajevo, broj: 48/13 i 1/14) u članu 11. stav (1) mijenja se i glasi:

„Školsku komisiju rješenjem imenuje ministar, najkasnije 15 dana prije polaganja mature, a na prijedlog Kantonalne maturalne komisije“.

Stav (2) mijenja se i glasi:

„Školska komisija se sastoji od predsjednika, zamjenika predsjednika, EMIS odgovorne osobe, po jednog vanjskog člana za obavezne i po jednog člana za izborne predmete“.

Član 2.

U članu 13. u stavu (1) u tački d) iza riječi „ u saradnji sa“ dodaju se riječi „Univerzitetom u Sarajevu i“.

U stavu (1) u tački e) iza riječi „ u saradnji sa“ dodaju se riječi „Univerzitetom u Sarajevu i“.

U stavu (1) u tački g) iza riječi „ zajedno sa“ dodaju se riječi „Univerzitetom u Sarajevu i“.

Član 3.

U članu 16. stav (1) mijenja se i glasi:

„Učenik pristupa polaganju mature nakon uspješno okončanog završnog razreda u osnovnoj školi i ne može upisati srednju školu na području Kantona Sarajevo ukoliko nije polagao eksternu maturu“.

Iza stava (2) dodaje se novi stav (3) koji glasi:

„Učenici koji su završili osnovnu školu u inostranstvu ili odjeljenje škole koja radi po nastavnom planu i programu druge države ili asocijacije država, ostvaruju pravo na upis u skladu sa Odlukom sa kriterijima za upis u prvi razred srednje škole u Kantonu Sarajevo ukoliko nisu koristili mogućnost iz stava (2) ovog člana,“.

Dosadašnji stav (3) postaje stav (4).

Dosadašnji stav (4) postaje stav (5) mijenja se i glasi:

„Učenik koji je na kraju završnog razreda osnovne škole upućen na popravni ispit iz dva predmeta, popravni ispit može polagati u augustu, a nakon što položi popravni ispit obavezan je polagati maturu u školi na području Kantona Sarajevo u augustovskom roku koju odredi Ministarstvo, na način i pod uslovima utvrđenim posebnom instrukcijom Ministarstva“.



Član 4.

U članu 18. dodaje se novi stav (6) koji glasi:

„Izbor predmeta navedenih u prijavi iz stava (5) ovog člana je obavezujući i ne može se naknadno mijenjati”.

Dosadašnji st. (6), (7) i (8) postaju st. (7), (8) i (9).

Član 5.

U članu 19. u stavu (1) iza riječi „ koju je učenik pohađao“ dodaju se riječi „osim učenika iz člana 16. stav (3) i (5).”

Član 6.

U članu 36. u stavu (2) iza riječi „ informaciono-konunikacione infrastrukture” dodaju se riječi „Univerziteta u Sarajevu i”.

U stavu (3) iza riječi „ ovog člana” dodaju se riječi „Univerzitet u Sarajevu i”.

Član 7.

„Ovaj pravilnik stupa na snagu danom donošenja, isti će biti objavljen u „Službenim novinama Kantona Sarajevo”.



Broj: 11-14-5666-19/15

25. maj 2015. godine



web: <http://www.monks.ba>

e-mail: monks@ks.gov.ba

Tel: + 387 (0) 33 562-128, Fax: + 387 (0) 33 562-218

Sarajevo, Reisa Džemaludina Čauševića 1

